



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De morte Meineri sacerdotis de Claustro, cap. 2.

urn:nbn:de:hbz:466:1-13177

650 DE MORIENTIBVS
precor ut exempla subjungas. CÆSARIUS: Faciam
Pſ. 115. quod hortaris, & hoc secundum ordinem prædictum.
Pſal. 33. Quam pretiosa sit in conspectu Domini mors Sacerdotum eius, & mors peccatorum pessima, subjecta declarabunt exempla.

C A P V T II.

Mors bo-
nabillo-
rūm qui
bene vi-
xerunt.

E O tempore, quo beatissimus Dauid monachus Claustrensis ab hac luce migravit, facta est in eadem domo, quæ alio nomine Hemmente vocatur, mortalitas magna, Domino eligente sibi eos quos vita comendabat sanctior, ad similitudinem columbae, quæ melioribus granis pascitur. Erat ibi sacerdos quidam nomine Meinerus, quandoque ecclesiæ sancti Simeonis in Treueri Canonicus, & salutari admonitione sancti Bernardi Abbatis ad ordinem conversus, amplius quam 30. annos in ordine fecerat, & per plurimos labores ad sublime sanctitatis culmen peruerenerat. Cumque in eadem domo ob suam probitatem ad diuersa electus fuisset officia, Prioratus scilicet, cellarariæ, grangiariæ, magisterij nouitorum, gradatim tamen omnibus irreprehensibiliter administratis, grauiter infirmatus, morte adesse dolorvehemens indicauit: cuius dolores Abbas considerans, in domum secretiore eum poni fecit, quatuor ministerium eius deputatis. Ille vero, licet gauderet de solitudine, tristabatur tamen de exhibito honore, dicens Abbatii; Fratres isti vigilando atq; laborando sunt iassi, neque mihi sunt necessarij, grata est mihi solitudo, neque minus solus ero, cum solus ero: non enim solus est, cui præsul & custos Dominus adest: si careo hominum obsequio, credo quod non deerit præsidium de cœlo. Abbate recedente & ad sermones eius minus attendente, ipse fratres abire compulit, lucernamque extinguere. Media nocte, Priore iubente, in eandem domum ad dicendas horas minuti conueniunt, & ignis accensus est, quia hyems erat. Dictis matutinis, visitauit eum Prior, fratribus lectu eius circumstantibus, quibus ait: Tota nocte solemnis abâ, si centu linguis haberem, internæ iocunditatis gaudium explicare pos-

possem: vidi deificum lumen, audiui cœlestem harmoniam, interfui choris psallentiū in cœlo. Ach quā ordinatē, quam distinctē, quam reuerenter psallebat: voces quidem erant multæ & diuersæ, sed quēadmodum in cytharia varietas chordarum yniformem reddit concentum, ita concors illa diuersitas in vnā conueniebat melodiam, supra humanum sensum delestablem: grauibus succinentibus, puellares voces ascēdebant, facientes diapason; cuius organi suauitatem humana infirmitas æstimare non potest. Admiranti mihi super his, astitit quidam in habitu venerabili, dicens: Quid miraris? hæc est laus verbi Dei. Et cum hæc dixisset, psallentibus adjunctus est, & tota virtute psallebat. Interea gratum occurrit spectaculum. Videbam scalam speciosam super me directam, iter è terris in cœlum præbentem: unus ex nostris subito de medio factus hanc egressus superna regna petebat, lætabundus & laudans, angelorum vallatus copiis, nullumque paflus omnino discrimen, cœlo receptus est. Veruntamen frater ille non est mihi designatus ex nomine. Quidam autem calumniabatur fratres nostros, duo objiciēs, scilicet quod defunctis fratribus debitam pensionem negligenter soluerent, & veteres tunicas, cum nouas reciperent, nō statim rediderent. In altero me reprehensibilem doleo, propter urgentes enim causas, missas nondum persolui quas debo, sed quād plura psalteria dixi. Deo enim gratias ago, labia mea nunquam otiosa fuerunt à laude Dei. Hæc prosecutus est, & consequenter ab hac luce subtractus, fidem fecit dictis. Aliunt de eo, quod in exterioribus agens, sæpe per diem duo psalteria dicere solitus esset. Perspicuum est, quod frater ille, qui subito de medio factus, cum honore cœlesti deduci vi-sus est, ipsum Meinerum satis eleganter expressit; euidenti declarans indicio, quod velocius morte subveniente, sine omni discrimine, transiturus esset de presuris ad gloriā, de morte ad vitā, de mundo ad Christum, cui est honor & imperium in sæcula sæculorum,

CA-